

heit und recht ist. Ouch sundirlichen worde is sache, ap dy genante Anna meyne eliche hawsfrauwe addir ymandis von erintwegen den genanten meynen kowffern hirumb keynirley anspröche addir infelle machen welde, welche czheit addir wenne daz geschege, daz dovon meynen kowffern schadin brechte, wy der nu geschege, glowbe ich vorgebantir ern (*sic*) Borso von Kamentcz in gutten trauwen ane arg, se des czu freyen 5 und czu benemyn und den selbist czu tragin und nicht meynen kowffern, ane arg und ane allir wedirrede. Und ouch sundirlichen alzo wenne der almechtige got obir uns beyden gebaut^c) und abe geschedin seynt todis halben von desir werlt, daz got noch seynten genoden genedeclichen lange wende, zo sal das genante hawß und bomgarthe wedir gerucklichen ledig und loz komyn und gevallin an dy stad czu erym stadrechte 10 an alle wedirrede vor allirmennegeleych ungehindirt. Das alle dese obgeschrebynne rede, kowff und gelowbde itzlichis besondern stete und gantcz in gutten trauwin ane gefe und an alle boze menunge und falsche list sullen gehalten werden, das glowben wir genanten, er Borsen von Kamentcz, Anna meyne eliche hawsfrauwe und Nickel von Heyniec, und habin des czu grosserm bekenteniß und meher sichherheit itzlichis besondern 15 seyngesegil mit rechtir guttir wissin an desin offin briff losin hengin, der geschriben und gegeben ist noch Cristi gebort virczenhundir in deme czwen und dreysigisten jore den sunnabund vor Andree des heligen czwelffboten 2c.

84.

Der Rath zu Kamenz gestattet Herrn Borso von Kamenz mit seiner Frau Anna, nachdem er sein 20 Schloß an die Stadt verkauft hat, den dazugehörigen Baumgarten wie bisher frei zu behalten und das Haus in der Stadt, in welchem sie jetzt wohnen, als Freihaus innezuhaben, jedoch nur auf ihre Lebenszeit.

1432 Nov. 29.

Hdschr.: Or. Perg. Stadtarchiv Kamenz No. 148 mit S. an Pergamentstreif (Abbildung No. IV).

Wir nochgeschrebin burgermeister, ratmanne, gesworn der stad Camencz, Hans 25 Rone, Hans Kesekorp, Hans Kromer, || Heber, Petir Hensil, Feyerobint, Hinrich Zewericz, Thomas Purko, Haße, Greger Romer, Nicolaus Faust, Schone||bir unnd Niclas Helt, mit uns unser eldisten, hantwerck unnd gemeyne, arm unnd reich dozelibist, bekennen —. Also uns der allirdurchluchtigiste furste unde herre, ern Sygmund von gotis gnadin Romischer, Ungerischer, Bemischer 2c. konigk, unser allirgnedigister liber herre, uns als 30 syne arme undertenigen umme merglicher notsache wille der keczzer mit orkunde syng koniglichen gnadenbrife gnedeclichen begnod, irlowbit unnd zeugegebin hot, das slos vor syner gnade stad zcu kewffin wedir den ediln herren, ern Borßo von Camencz, domete unnd dovon zcu bawin unnd zcu befestin dy genante syne stad, also wir das denne nū mit synir freiheit unnd zeugehorunge, umme das slos gelegin, recht unnd redelichin, erb- 35 lichin unnd ewelichin gekawfft habin. Wy das nū mit kewffin, mit beczalunge, mit